



REPUBLIKA E SHQIPËRISË  
PROKURORIA PRANË GJYKATËS SË SHKALLËS SË PARË TË JURIDIKSIONIT  
TË PËRGJITHSHËM DIBËR

**UDHËZIM I PËRGJITHSHËM**

Nr. 32, datë 18 03.2024

**PËR USHTRIMIN E FUNKSIONIT TË MONITORIMIT NË SISTEMIN E  
PROKURORISË PRANË GJYKATËS SË SHKALLËS SË PARË TË  
JURIDIKSIONIT TË PËRGJITHSHËM DIBËR**

Unë **Abaz MUÇA**, Drejtues i Prokurorisë pranë Gjykatës së Shkallës së Parë të Juridiksionit të Përgjithshëm Dibër, në mbështetje të neneve 42, gërmat “a”, “dh”, “g”, “gj”, “h” dhe “k”, 43, 46, pikat 1 dhe 4 dhe 52, pika 1 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar, Rregullores për organizimin dhe funksionimin e Prokurorisë pranë Gjykatës së Shkallës së Parë të Juridiksionit të Përgjithshëm Dibër, neneve 5, 7, pika 5, 35, pika 2, gërma “b” e vijues të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar, kërkesën e Rezolutës së Kuvendit datë 14.06.2021 “Për vlerësimin e veprimtarisë së Prokurorisë së Përgjithshme për vitin 2020”<sup>1</sup>, rekomandimet e Rezolutës së Kuvendit datë 14.07.2022 “Për vlerësimin e veprimtarisë së Prokurorisë së Përgjithshme për vitin 2021”<sup>2</sup> dhe me qëllim lehtësimin e zbatimit të udhëzimit të përgjithshëm nr.10, datë 30.12.2021, të Prokurorit të Përgjithshëm<sup>3</sup> “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, i përditësuar me udhëzimin e

<sup>1</sup> Shih pikën 8 të kërkesës së Rezolutës së Kuvendit të Shqipërisë “Për veprimtarinë e prokurorisë...” miratuar më datë 14.06.2021, ku parashikohet: “Për vitin 2021, Kuvendi i Shqipërisë kërkon nga Prokuroria e Republikës së Shqipërisë: 8. Të miratohen projektudhëzimet e përgjithshme “Për funksionimin e strukturës së monitorimit në sistemin e prokurorisë dhe bashkërendimi me institucionet kushtetuese përkatëse”...”.

<sup>2</sup> Shih pikën 4 të rekomandimeve të Rezolutës së Kuvendit të Shqipërisë “Për veprimtarinë e prokurorisë për vitin 2021” miratuar më datë 14.07.2022, ku parashikohet: “Për vitin 2022, Kuvendi i Shqipërisë i rekomandon institucionit të Prokurorisë së Përgjithshme: 4. Të punohet për forcimin e mekanizmave për rritjen e përgjegjshmërisë dhe llogaridhënies së brendshme të oficerëve të policisë gjyqësore, për efikasitetin dhe efikasitetin e punës, pa cënuar procesin e rregullt ligjor gjatë ushtrimit të funksioneve të tyre...”.

<sup>3</sup> Shih nenin 46, pika 4 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

përgjithshëm nr.4, datë 18.10.2022 të Prokurorit të Përgjithshëm “Për disa shtesa në udhëzimin e përgjithshëm nr.10, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore””,

## **U D H Ë Z O J:**

### **KREU I DISPOZITA TË PËRGJITHSHME**

#### **Neni 1**

#### **Qëllimi**

Qëllimi i këtij udhëzimi të përgjithshëm është unifikimi i ushtrimit të funksioneve mbikëqyrëse dhe verifikuese nga strukturat përkatëse dhe/ose nga autoriteti i monitorimit në sistemin e Prokurorisë pranë Gjykatës së Shkallës së Parë të Juridiksionit të Përgjithshëm Dibër, për të garantuar zbatimin e udhëzimeve të përgjithshme dhe si kanë ndikuar ato në efikasitetin dhe/ose efektivitetin e ushtrimit të kompetencave kushtetuese dhe ligjore të Prokurorisë pranë Gjykatës së Shkallës së Parë të Juridiksionit të Përgjithshëm Dibër në drejtimit e udhëzuara dhe/ose rekomanduara, si dhe për iniciimin e inspektimeve tematike në strukturat përkatëse ose hetimeve për shkelje individuale të prokurorëve dhe oficerëve të policisë gjyqësore të seksioneve e shërbimeve policore sipas ligjit në bashkëpunim me Inspektoratin e Lartë të Drejtësisë dhe Komisionin e Policisë Gjyqësore, për të siguruar pavarësinë/autonominë e prokurorit në ushtrimin e funksioneve dhe mbarëvajtjen, efikasitetin, ligjshmërinë dhe transparencën në veprimtarinë e sistemit të prokurorisë.

#### **Neni 2**

#### **Objekti**

1. Objekti i këtij udhëzimi të përgjithshëm janë:

- a) përcaktimi i funksioneve mbikëqyrëse ose verifikuese dhe i strukturës ose autoritetit të zbatimit të tyre;
- b) përcaktimi i rregullave për mënyrën e mbikëqyrjes së zbatimit të udhëzimeve të përgjithshme, veprimtarisë së policisë gjyqësore dhe marrjes së informacionit nga strukturat në Prokurorinë e Përgjithshme në bashkërendim me autoritetin e monitorimit/mbikëqyrjes në Prokurorinë pranë Gjykatës së Shkallës së Parë të Juridiksionit të Përgjithshëm Dibër;
- c) përcaktimi i mënyrës së mbikëqyrjes dhe rregullave për verifikimin e indiceve, informacioneve ose ankesave për problematikat apo shkeljet e konstatuara apo të pretenduara dhe bashkëpunimi me strukturat përkatëse në Prokurorinë pranë Gjykatës së Shkallës së Parë të Juridiksionit të Përgjithshëm Dibër dhe me institucionet kushtetuese dhe ligjore.

#### **Neni 3**

#### **Përkufizime**

1. Në ushtrimin e funksioneve sipas këtij udhëzimi respekton e garantohen parimet:



- a) ligjshmëria;
- b) pavarësia e prokurorëve;
- c) objektiviteti;
- ç) transparenca;
- d) llogaridhënia;
- dh) konfidencialiteti i të dhënave që vihen në dijeni dhe ruajtja e sekretit të hetimeve.

## KREU II

### STRUKTURAT DHE AUTORITETET MBIKËQYRËSE DHE FUNKSIONET E TYRE

#### Neni 4

#### **Strukturat dhe autoritetet mbikëqyrëse dhe verifikuese**

1. Në Prokurorinë pranë Gjykatës së Shkallës së Parë të Juridiksionit të Përgjithshëm Dibër autoriteti monitorues/mbikëqyrës dhe verifikues sipas ligjit<sup>4</sup> dhe këtij udhëzimi është drejtuesi i prokurorisë ose zëvendësdrejtuesi i autorizuar prej tij dhe sipas ligjit<sup>5</sup>.

#### Neni 5

#### **Funksionet mbikëqyrëse ose verifikuese dhe struktura/autoriteti i kryerjes së tyre**

1. Funksionet mbikëqyrëse apo verifikuese të Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Dibër në kompetencë dhe përgjegjësinë e tij, sipas ligjit<sup>6</sup> janë të grupuara në këto drejtime:

- a) Mbarëvajtja e punës dhe marrja e masave dhe veprimeve për të siguruar efikasitetin dhe ligjshmërinë e veprimtarisë së Prokurorisë pranë Gjykatës së Shkallës së Parë të Juridiksionit të Përgjithshëm Dibër<sup>7</sup>;
- b) Disiplina në punë e prokurorëve sipas ligjit<sup>8</sup>;
- c) Garantimi i zbatimit korrekt të udhëzimeve të Prokurorit të Përgjithshëm sipas ligjit<sup>9</sup>, nxjerrja e udhëzimeve të përgjithshme për çështje të organizimit dhe funksionimit të

<sup>4</sup> Shih nenet 42, shkronjat “dh”, “e”, “g”, “gj”, “k” dhe “i”, 43, shkronjat “dh” dhe “e”, 46, pika 4, 50, pikat 2, 3 dhe 4 e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>5</sup> Shih nenin 44 e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>6</sup> Shih nenet 42, shkronjat “dh”, “e”, “g”, “gj”, “k” dhe “i”, 43, shkronjat “dh” dhe “e”, 46, pika 4, 50, pikat 2, 3 dhe 4 e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar dhe nenin 7, pika 6 të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar.

<sup>7</sup> Shih nenin 52, pika 1 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>8</sup> Shih nenin 42, shkronja “dh” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>9</sup> Shih nenet 42, shkronja “g” dhe 43, shkronja “dh” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.



Prokurorisë pranë Gjykatës së Shkallës së Parë të Juridiksionit të Përgjithshëm Dibër, si dhe për lehtësimin e zbatimit të udhëzimeve të përgjithshme të Prokurorit të Përgjithshëm<sup>10</sup>;

ç) Respektimi i etikës së prokurorit, planifikimi i punës së tyre dhe përmbushja e angazhimeve ligjore për vlerësimin profesional të prokurorëve dhe/ose oficerëve të Policisë Gjyqësore<sup>11</sup>;

d) Veprimtaria e Policisë Gjyqësore në juridiksionin e tij<sup>12</sup>;

1.1 Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër konstaton, vlerëson dhe/ose verifikon shkelje individuale të evidentuara nga veprimtaria mbikëqyrëse në pikën 2 të këtij neni, ose nga informacione apo ankesa të ardhura në Prokurorinë pranë Gjykatës së Shkallës së Parë të Juridiksionit të Përgjithshëm Dibër.

a) Ky autoritet, sipas rastit dhe në zbatim të ligjit<sup>13</sup>, vlerëson, dhe kur ka të dhëna të besueshme se është kryer shkelje disiplinore harton dhe dërgon kërkesat/ankesat drejtuar Inspektorit të Lartë të Drejtësisë ose Komisionit të Policisë Gjyqësore, si dhe sipas ligjit<sup>14</sup> vlerëson informimin për dijëni strukturën përkatëse në Prokurorinë e Përgjithshme.

1.2 Në rastet kur Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër nga veprimtaria mbikëqyrëse konstaton dhe vlerëson probleme tematike apo shkelje individuale, ose kur ka indicie, informacione ose ankesa për probleme të së njëjtës natyrë, sipas rastit vlerëson informon e Prokurorit të Përgjithshëm sipas ligjit<sup>15</sup>.

2. Në ushtrimin e funksioneve mbikëqyrëse të policisë gjyqësore nga prokurori i çështjes, sipas ligjit<sup>16</sup>, në rastet kur vlerëson se ka të dhëna të besueshme se për çështjen që ka në ndjekje është kryer shkelje disiplinore nga oficeri i policisë gjyqësore përkatës, harton dhe dërgon kërkesë ankesë drejtuar Komisionit të Policisë Gjyqësore, si dhe sipas ligjit<sup>17</sup> vlerëson informimin për dijëni Drejtuesin e Prokurorisë pranë Gjykatës së Shkallës së Parë të Juridiksionit të Përgjithshëm Dibër dhe/ose Prokurorin e Përgjithshëm.

<sup>10</sup> Shih nenin 46, pika 4 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>11</sup> Shih nenin 42, shkronjat “gj” dhe “k” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>12</sup> Shih nenin 42, shkronja “gj” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>13</sup> Shih nenin 42, shkronjat “dh”, “gj” dhe “k” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar, nenin 35, pika 2, shkronja “b” të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar dhe nenin 194, pika 2, shkronja “dh” të ligjit nr.115, të vitit 2016 “Për organet e qeverisjes së sistemit të drejtësisë”.

<sup>14</sup> Shih nenin 42, shkronja “e” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>15</sup> Shih nenet 42, shkronjat “e” dhe “k”, 50, pika 1 në lidhje me nenin 38, pikat 1, 2, shkronjat “b”, “f” dhe “i” e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>16</sup> Shih nenet 24, pika 1, 30, pika 2, 277, pika 2, 304 e vijues të Kodit të Procedurës Penale dhe nenin 7, pika 2 në lidhje me nenin 35, pika 2, shkronja “ç” e vijues të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar.

<sup>17</sup> Shih nenet 42, shkronja “gj” dhe 38, pikat 1, 2, shkronjat “b”, “f” dhe “i” e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.



KREU III  
**MËNYRAT, FORMAT DHE MJETET E MBIKËQYRJES OSE VERIFIKIMIT**

Neni 6

**Mënyrat dhe mjetet e kryerjes së mbikëqyrjes dhe verifikimeve**

1. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, realizon mbikëqyrjen periodike të veprimtarisë procedurale penale, sipas fazave të procedimit penal, dhe sipas prioriteteve të udhëzuara/rekomanduara, nëpërmjet ushtrimit të kompetencave:

a) jep urdhra të detyrueshëm për policinë gjyqësore dhe mbikëqyr zbatimin e tyre lidhur me ushtrimin e funksioneve sipas ligjit<sup>18</sup> si dhe monitoron eficientë dhe efektivitetin e veprimtarisë së tyre për rritjen e përgjegjshmërisë e llogaridhënies së brendshme në zbatim dhe të këtij udhëzimi;

b) kërkon informacion për ecurinë e procedimeve dhe verifikon ecurinë dhe/ose përfundimin e çështjes, sipas ligjit<sup>19</sup>;

c) nxjerr udhëzime me shkrim jo të detyrueshme sipas ligjit kur e vlerëson të nevojshme;

ç) merr vendim me shkrim për zëvendësimin e prokurorit ose oficerin e policisë gjyqësore për rastet e parashikuara në ligj<sup>20</sup>.

2. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër realizon mbikëqyrjen periodike të veprimtarisë së Prokurorisë pranë Gjykatës së Shkallës së Parë të Juridiksionit të Përgjithshëm Dibër, edhe nëpërmjet analizës së treguesve të gjendjes së kriminalitetit, mbarëvajtjes së punës, eficientës dhe efektivitetit në ushtrimin e ndjekjen penale sipas prioriteteve të udhëzuara/rekomanduara, si dhe vlerësimin të performancës së Prokurorisë pranë Gjykatës së Shkallës së Parë të Juridiksionit të Përgjithshëm Dibër, dhe sipas ligjit:

a) informon çdo tre muaj Prokurorin e Përgjithshëm mbi gjendjen e kriminalitetit<sup>21</sup> në rrethin gjyqësor të Prokurorisë pranë Gjykatës së Shkallës së Parë të Juridiksionit të Përgjithshëm Dibër;

---

<sup>18</sup> Shih nenin 43, shkronja “c” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar dhe nenin 7, pika 5 të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar.

<sup>19</sup> Shih nenin 43, shkronjat “b” dhe “ç” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>20</sup> Shih nenin 49 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar dhe nenet 26 dhe 27 të Kodit të Procedurës Penale.

<sup>21</sup> Shih nenin 42, shkronja “l” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.



b) raportin vjetor mbi ecurinë e punës në Prokurorinë pranë Gjykatës së Shkallës së Parë të Juridiksionit të Përgjithshëm Dibër<sup>22</sup> ia dërgon Prokurorit të Përgjithshëm brenda muajit shkurt të çdo viti;

c) është përgjegjës për mbarëvajtjen e punës dhe marrjen e masave dhe veprimeve për të siguruar efikasitetin dhe ligjshmërinë e veprimtarisë së Prokurorisë pranë Gjykatës së Shkallës së Parë të Juridiksionit të Përgjithshëm Dibër<sup>23</sup>;

ç) është përgjegjës për drejtimin, mbarëvajtjen e punës dhe marrjen e masave për bashkërendimin, koordinimin dhe mbikëqyrjen e veprimtarisë së policisë gjyqësore nën juridiksionin e tij<sup>24</sup>, për të siguruar efikasitetin dhe ligjshmërinë e kësaj veprimtarie në Prokurorinë pranë Gjykatës së Shkallës së Parë të Juridiksionit të Përgjithshëm Dibër;

ç/i) informon brenda 15 ditësh sektorin e monitorimit në Prokurorinë e Përgjithshme në rastet kur evidenton problematika dhe/ose shkelje që përbëjnë shkak për fillimin e procedurës disiplinore ndaj oficerëve të policisë gjyqësore të seksionit në Prokurorinë pranë Gjykatës së Shkallës së Parë të Juridiksionit të Përgjithshëm Dibër, bazuar në analiza dhe vlerësime të treguesve të volumit të punës së kryer prej tyre sipas të dhënave statistikore të sistemit elektronik SVHOPGJP që parashikon neni 8/a i udhëzimit të përgjithshëm nr.10, datë 30.12.2021 të Prokurorit të Përgjithshëm “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, i përditësuar me udhëzimin e përgjithshëm nr.4, datë 18.10.2022 të Prokurorit të Përgjithshëm “Për disa shtesa në udhëzimin e përgjithshëm nr.10, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore””.

d) raportin e vlerësimit të oficerëve të Policisë Gjyqësore<sup>25</sup> ia dërgon Komisionit të Policisë Gjyqësore<sup>26</sup> dhe Prokurorit të Përgjithshëm<sup>27</sup>.

## Neni 7

### Mbikëqyrja e veprimtarisë së policisë gjyqësore

1. Mbikëqyrja e veprimtarisë së oficerëve të policisë gjyqësore, realizohet ndëpërmjet:

a) marrjes së informacionit nga drejtuesit e prokurorisë për veprimtarinë e oficerit dhe etikën, si dhe të dhëna statistikore për volumin e punës sipas nenit 8/a të udhëzimit të

<sup>22</sup> Shih nenin 52, pika 2 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>23</sup> Shih nenin 52, pika 1 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>24</sup> Shih nenin 42, shkronja “gj” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar dhe nenin 7, pika 2 të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar.

<sup>25</sup> Shih nenin 42, shkronjat “gj” dhe “k” të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>26</sup> Shih nenin 42, shkronjat “e” dhe “k”, nenin 50, pika 1 në lidhje me nenin 38, pikat 1 dhe 2, shkronjat “b”, “f” dhe “i” e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

<sup>27</sup> Shih nenin 42, shkronjat “e” dhe “k”, nenin 50, pika 1 në lidhje me nenin 38, pikat 1 dhe 2, shkronjat “g” dhe “gj” e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.



përgjithshëm nr.10, datë 30.12.2021 të Prokurorit të Përgjithshëm “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, i përditësuar me udhëzimin e përgjithshëm nr.4, datë 18.10.2022 të Prokurorit të Përgjithshëm “Për disa shtesa në udhëzimin e përgjithshëm nr.10, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore””, shpejtësinë, cilësinë e akteve dhe problematikat e konstatuara në kryerjen e hetimeve;

b) mbikëqyrjes tematike, për grupvepra ose seksione pranë prokurorisë, të cilat nga raportet dhe analizat e kryera, rezultojnë problematike në drejtim të efijencës në kryerjen e hetimeve penale dhe/ose respektimin e kërkesave ligjore procedurale penale.

#### Neni 7/a

### **Sistemi elektronik “Statistika e veprimeve hetimore të oficerëve të policisë gjyqësore të seksionit në prokurori” (SVHOPGJP)**

1. Në seksionet e policisë gjyqësore të Prokurorisë pranë Gjykatës së Shkallës së Parë të Juridiksionit të Përgjithshëm Dibër, krijohet dhe vihet në funksionim sistemi elektronik (SVHOPGJP) për plotësimin hedhjen, administrimin dhe përfitim të statistikave periodike, me të dhëna për numrin e veprimeve hetimore apo ekzekutimin e vendimeve gjyqësore penale në kuadrin e procedimit penal ose për numrin e veprimeve verifikuese pasurore në kuadrin e procedimit pasuror, të kryera nga oficerët e policisë gjyqësore të seksionit në Prokurorinë pranë Gjykatës së Shkallës së Parë të Juridiksionit të Përgjithshëm Dibër.

2. Secili oficer i policisë gjyqësore në seksionin e Prokurorisë pranë Gjykatës së Shkallës së Parë të Juridiksionit të Përgjithshëm Dibër, për numrin e veprimeve hetimore<sup>28</sup> të dokumentuara që kryen me iniciativë ose të urdhëruara/deleguara nga prokurori<sup>29</sup> sipas ligjit, ashtu dhe për verifikimet pasurore<sup>30</sup> ose veprimet<sup>31</sup> për ekzekutimin e vendimeve penale, si për referimet penale dhe për procedimet penale në ndjekje sipas fazave<sup>32</sup>, ashtu dhe për procedimet/hetimet pasurore ose për ekzekutimin e vendimeve penale, hedh/plotëson periodikisht çdo 15 ditë, të dhëna në fushën e rubrikës përkatëse të sistemit elektronik

<sup>28</sup> Shih nenin 303 “Dokumentimi veprimeve hetimore të policisë gjyqësore”, ku në zbatim të këtij udhëzimi përfshihen llojet e veprimeve të dokumentuara që parashikon pika 2, shkronjat “a” deri “d” të këtij neni, që kryen policia gjyqësore e seksionit në prokurori.

<sup>29</sup> Shih po aty nenin 303, shkronja “e” për veprimet e deleguara nga prokurori, ku në zbatim të këtij udhëzimi përfshihen llojet e veprimeve të dokumentuara që parashikojnë shkronjat “a” deri “d” tek pika 2 e këtij neni.

<sup>30</sup> Shih nenin 6 “Objekti hetimit” të ligjit nr.10192, të vitit 2009, të ndryshuar, i cili në pikën 1 parashikon: “1. Prokurori ndërmerr, edhe nëpërmjet policisë gjyqësore, hetimet e nevojshme për mjetet financiare, pasuritë, veprimtaritë ekonomike, tregtare dhe profesionale, nivelin ekonomik dhe burimet e të ardhurave të tyre, si dhe pyetjen e personave që kanë dijeni mbi faktet objekt këtij ligji dhe kryerjen e ekspertimeve të nevojshme...”.

<sup>31</sup> Koment: Veprim për ekzekutimin e vendimeve penale është procesverbali që mban oficeri policisë gjyqësore për ekzekutimin e vendimeve gjyqësore penale të urdhëruara nga prokurori, sipas fazave dhe niveleve të prokurorisë pranë gjykatave përkatëse me juridiksion të përgjithshëm.

<sup>32</sup> Koment: Veprimet hetimore dhe/ose të urdhëruara deleguara nga prokurori mund të kryhen, si në fazën e hetimeve paraprake dhe në fazën e gjykimit kur janë rastet dhe mundësitë për administrimin e provave të reja. ashtu dhe veprimet për ekzekutimin e vendimeve gjyqësore të urdhëruara nga prokurori për masat e sigurimit personal dhe/ose pasuror, etj.



(SVHOPGJP), për numrin e veprimeve hetimore apo verifikuese pasurore ose veprimeve për ekzekutimin e vendimeve penale, të kryera për secilin referim/ankim, procedim penal apo procedim pasuror ose vendim gjyqësor penale i urdhëruar për ekzekutim në ndjekje apo të përfunduar, sipas udhëzimeve teknike në Manualin e Përdorimit të tij<sup>33</sup>, bashkëlidhur këtij udhëzimi si pjesë e tij.

3. Në formatin standard të këtij sistemi elektronik shënohen të dhëna sipas rubrikave:

a) në rubrikën “Numër procedimi”, oficeri i policisë gjyqësore plotëson numrin e regjistrimit të procedimit penal ose numrin e procedimit penal i lidhur me vendimin gjyqësor penal të urdhëruar për ekzekutim, që oficeri ka marrë për veprim;

b) në rubrikën “Numër hetimi/procedimi pasuror”, oficeri policisë gjyqësore plotëson numrin e regjistrimit të procedimit/hetimit pasuror, të marrë për veprim prej tij;

c) në rubrikën “Datë regjistrimi të procedimit”, oficeri i policisë gjyqësore plotëson datën e regjistrimit sipas rastit të procedimin penal ose procedimit/hetimit pasuror;

ç) në rubrikën “Numër veprimesh” oficeri policisë gjyqësore plotëson me shifra numrin e veprimeve hetimore të dokumentuara që ka kryer për secilin procedim penal ose hetim pasuror apo për ekzekutimin e vendimit gjyqësor penal urdhëruar ekzekutimi, sipas statusit, i hapur ose mbyllur, në periudhën periodike objekt raportimi;

e) në rubrikën “statusi i hapur” përfshihen sipas rastit referimi i policisë gjyqësore, ankimi për veprat penale që ndiqen me ankimin e të dëmtuarit apo procedimi penal ose procedimi pasuror apo vendimi gjyqësor penal, që oficeri i policisë gjyqësore i seksionit ka në ndjekje apo për zbatim, ndërsa në rubrikën “statusi i mbyllur” përfshihen sipas rastit referimi/ankimi apo procedimi penal ose procedimi/hetimi pasuror apo vendimi gjyqësor penal objekt ekzekutimi, që ai ka përfunduar sipas mënyrave të përfundimit që parashikon ligji<sup>34</sup>.

4. Në sistemin elektronik SVHOPGJP oficeri policisë gjyqësore seksionit përditëson çdo 15 ditë të dhënat për veprimet procedurale të kryera gjatë kësaj periudhe për secilin referim/ankim apo procedim penal ose procedim/hetim pasuror apo vendim gjyqësor penal i urdhëruar për ekzekutim, në ndjekje ose përfunduar gjatë kësaj periudhe periodike objekt monitorimi nga Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër dhe nga personi i caktuar në Sektorin e Monitorimit në Prokurorinë e Përgjithshme (SMPP), sipas parashikimeve në nenin 6 të këtij udhëzimi.

5. Në të dhënat statistikore periodike 15 ditore të sistemit elektronik SVHOPGJP ka akses të drejtpërdrejtë për të përfituar informacion Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, i cili pasi njihet analizon dhe vlerëson të dhënat statistikore për numrin e veprimeve hetimore të kryera nga secili oficer i policisë gjyqësore dhe/ose nga gjithë oficerët e seksionit të policisë gjyqësore në Prokurorinë pranë Gjykatës së Shkallës së Parë të Juridiksionit të Përgjithshëm Dibër, si dhe kur evidenton problematika dhe/ose shkelje, informon SMPP sipas parashikimit në shkronjën “ç/i” të pikës 1 të nenit 6 të këtij udhëzimi.

<sup>33</sup> Manuali “Manual përdorimi për sistemin elektronik të oficerave të policisë gjyqësore në prokurori”.

<sup>34</sup> Shih nenet 290 dhe 291 të Kodit të Procedurës Penale për rastet e mosfillimit të procedimit penal lidhur me kallëzimet, referimet apo ankimet e përfunduara/mbyllura dhe nenet 326, 327, pika 6, shkronjat “a” dhe “b” dhe 328 për rastet dhe llojet e përfundimit/mbylljes së procedimeve penale dhe përfundimin/mbylljen e hetimeve pasurore me konfiskim pasurie apo pushim të hetimit pasuror sipas nenit 21 e vijues të ligjit nr.10192, të vitit 2009, të ndryshuar.



KREU IV  
**NJOHJA, SHKELJET DISIPLINORE, ZBATIMI DHE HYRJA NË FUQI**

Neni 8

**Njohja**

Me këtë udhëzim të përgjithshëm të njihen prokurorët dhe oficerët e policisë gjyqësore të seksioneve në Prokurorinë pranë Gjykatës së Shkallës së Parë të Juridiksionit të Përgjithshëm Dibër.

Neni 9

**Shkeljet dhe verifikimet disiplinore**

Shkelja e dispozitave ligjore referuese në këtë udhëzim të përgjithshëm dhe/ose moszbatimi i normimeve të përcaktuara në këtë udhëzim, mund të përbëjnë, shkelje disiplinore sipas ligjit<sup>35</sup> dhe/ose shkak për nisjen e verifikimeve nga struktura përkatëse sipas ligjit.

Neni 10

**Zbatimi dhe mbikëqyrja**

Ky udhëzim i përgjithshëm është i detyrueshëm nga oficerët e policisë gjyqësore të seksioneve dhe shërbimeve në strukturat policore të Policisë së Shtetit dhe shërbime policore të tjera sipas ligjit.

Neni 11

**Hyrja në fuqi**

Ky udhëzim i përgjithshëm hyn në fuqi menjëherë pas nënshkrimit dhe depozitimit në sekretari.

**DREJTUESI**

**ABAZ MUÇA**

---

<sup>35</sup> Shih nenin 101, pika 1, shkronjat “a” e “b” dhe nenin 102, pikat 1, shkronjat “c”, “ç”, “d”, “dh”, “e”, “g”, “i”, “j”, dhe “nj” dhe 2, shkronjat “a”, “b”, “c”, “ç”, “d”, “dh” të ligjit nr.96, të vitit 2016 “Për statusin e gjyqtarëve dhe prokurorëve në Republikën e Shqipërisë”, i ndryshuar me ligjin nr.48, të vitit 2019 “Për disa shtesa dhe ndryshime në ligjin nr.96, të vitit 2016 “Për statusin e gjyqtarëve dhe prokurorëve në Republikën e Shqipërisë”, nenin 89 e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar dhe nenin 33 të ligjit nr.25, të vitit 2019 “Për organizimin dhe funksionimin e policisë gjyqësore”, të ndryshuar.